

SLOBODA PRISTUPA INFORMACIJAMA

U cilju da se svakoj fizičkoj i pravnoj osobi pomogne da u Općini Doboj Jug ostvari svoja prava u skladu sa Zakonom o slobodi pristupa informacijama u Federaciji BiH („Službene novine federacije BiH“, br. 32/01 i 48/11), sačinjen je

VODIČ O SLOBODI PRISTUPA INFORMACIJAMA

Organ uprave općine Doboj Jug nalazi u Matuzićima, ulica Trg 21.mart broj 1. Službenik za informisanje je Hrvić Edin čije radno mjesto je na spratu zgrade, kancelarija broj 107. Njegova obaveza je da, u okviru zakonskih ovlaštenja, udovolji Vašem zahtjevu za pristup bilo kojoj informaciji u posjedu Općine Doboj Jug. Detaljni podaci o tome gdje se može pristupiti i kojim informacijama nalaze se u publikaciji „Indeks registar“, koja se nalazi na portirnici općine Doboj Jug i ista je objavljena na službenoj web stranici Općine Doboj Jug www.dobojjug.ba.

NAPOMENA: *Statutom Općine Doboj Jug, između ostalog, utvrđeni su principi javnosti i transparentnosti, te sloboda pristupa informacijama.*

KAKO DOBITI INFORMACIJU?

Vaše pravo na pristup informacijama možete ostvariti podnošenjem zahtjeva, koji treba ispunjavati sljedeće uslove:

1. da je u pismenoj formi i to na jednom od službenih jezika u Federaciji;
2. da sadrži dovoljno podataka o prirodi i sadržaju tražene informacije;
3. da sadrži ime i prezime podnosioca zahtjeva i njegovu adresu, a po mogućnosti i broj telefona;
4. način na koji se želi pristupiti informacijama.

Ako Vaš pismeni zahtjev za pristup informacijama ne ispunjava jedan od navedenih uslova, Općina Doboj Jug će o tome odlučiti rješenjem, a u protivnom odobriti će Vam se pristup informaciji na način koji iskažete. Način pristupanja može biti:

- neposredni uvid u informaciju
- slanje informacije na kućnu adresu
- umnožavanje informacije

U slučaju odbijanja pristupa informaciji, u cjelini ili djelimično, Općina Doboj Jug donijeti će rješenje, navodeći zakonske osnove za isto, kao i pouku o pravnom lijeku.

Zahtjevu za pristup informacijama koje su Zakonom o slobodi pristupa informacijama u Federaciji BiH izuzete od objavljivanja neće se udovoljiti, a razlozi će biti obrazloženi u donesenom rješenju.

Općina je obavezna Vaš zahtjev riješiti u roku od 15 dana. U slučaju da se zahtjev ne riješi u ovom roku, Općina će Vas pismeno obavijestiti o razlozima.

Zahtjev koji se odnosi na ličnu informaciju može podnijeti samo osoba na koju se informacija odnosi, odnosno zakonski zastupnik ili punomoćnik. Osoba na koju se informacija odnosi dužna je službeniku za informisanje kod podnošenja zahtjeva pokazati ličnu kartu ili drugi lični dokument sa fotografijom, ili uz zahtjev priložiti dokaz o zakonskom zastupanju, odnosno punomoć.

U slučajevima kada se odobrava informacija, ne naplaćuju se naknade, takse za podnošenje zahtjeva, ili za pisane obavijesti.

Naknada se naplaćuje za tražene usluge umnožavanja i to:

- **0,50 KM za svaku stranicu standardne veličine koja prelazi 10 (deset) prvih besplatnih stranica**
- **5 KM po disketi za elektronsku dokumentaciju.**

Naplata za usluge umnožavanja vrši se na blagajni Službe za budžet, finansije i privredu Općine Doboj Jug, šalter sala u prizemlju zgrade.

Na pojedine zahtjeve za informacije možete dobiti odmah odgovor, obraćajući se usmeno službeniku za informisanje. To su slučajevi:

- informacija o službeniku zaduženom za predmet;
- informacija o kretanju predmeta;
- informacija o rokovima;
- informacija o toku postupka koji se vodi;
- ostale informacije koje se mogu dobiti iz direktnog kontakta službenika zaduženog za informacije i službenika iz nadležnih službi.

U slučaju bilo kakvih nejasnoća, službeniku za informisanje možete se obratiti i na telefon 032/691-250, te putem e-maila: dobojjug@bih.net.ba